

瓊州府志卷之四十一

藝文志六

賦

颶風賦

蘇軾

仲秋之夕客有叩門指雲物而告予曰海氣甚惡非祲非祥斷霓飲海而北指赤雲夾日而南翔此颶之漸也子盍備之語未卒庭戶肅然槁葉蔌蔌驚鳥疾呼怖獸辟易忽野馬之決驟矯退飛之六鷁襲土囊而暴露掠衆竅之叱吸予乃入屋而坐斂衽變色客曰未也此颶之先驅爾少焉排戶破牖殞瓦擗屋礮擊巨石揉拔喬木勢翻渤澥響振坤軸疑屏翳之赫怒執陽侯而將戮鼓千尺之清

瓊州府志

卷四十一

藝文賦

一

瀾翻百仞之陵谷吞泥沙于一卷落崩崖于再觸列萬馬而並驚潰千軍而爭逐虎豹讐駭鯨鯢犇蹙類鉅鹿之戰殷聲呼之動地似昆陽之役舉百萬於一覆予亦爲之股慄毛聳索氣側足夜拊榻而九徙晝命龜而三十蓋三日而後息也父老來言酒漿羅列勞來童僕懼定而說理草木之旣偃輯軒檻之已折補茅屋之罅漏塞牆垣之隕缺已而山林寂然海波不興動者自止鳴者自停湛天宇之蒼蒼流孤月之熒熒忽悟且嘆莫知所營嗚呼大小出於相形憂喜因於相遇昔之飄然者若爲巨耶吹萬不同果足怖耶蟻之緣也吹則墜蚋

之集也呵則舉夫噓呵曾不能以振物而施之二  
蟲則甚懼鵬水擊而三千搏扶搖而九萬彼視吾  
之惴慄亦爾汝之相莞均大塊之噫氣奚巨細之  
足辨陋耳目之不廣爲萬物之所變且夫萬象起  
滅衆怪懼眩求髣髴於過耳視空中之飛電則向  
之所謂可懼者實耶虛耶惜吾知之晚也

乳泉賦

蘇軾

陰陽之相化天一爲水六者其壯而一其釋也夫  
物老死於坤而萌芽于復故水者物之終始也意  
水之在人也如山川之蓄雲草木之含滋漠然無  
形而爲往來之氣也爲氣者水之生而有形者其

死也死者鹹而生者甘甘者能往能來而鹹者一  
出而不復返此陰陽之理也吾何以知之蓋嘗求  
之於身而得其說凡水之在人者爲汗爲涕爲洩  
爲血爲溲爲淚爲涎爲沫此數者皆水之去人而  
外驚然後肇形於有物皆鹹而不能返故鹹者九  
而甘者一一者何也華池之眞液下湧於舌底而  
上流於牙頰甘而不壞清而不濁宜古之仙者以  
是爲金丹之祖長生不死之藥也今夫水在天地  
之間者下則爲江湖井泉上則爲雨露霜雪皆同  
一味之甘是以變化往來有逝而無竭故海洲之  
泉必甘而海雲之雨不鹹者如涇渭之不相亂河

濟之不相涉也若夫四海之水與夫凡出鹽之泉  
皆天地之死氣也故能殺而不能生能稿而不能  
浹也豈不然哉賦曰

吾謫居儋耳卜築城南鄰於司命之官百井皆鹹  
而醪醴鍾乳獨發於宮中給吾飲食酒茗之用蓋  
沛然而無窮吾嘗中夜而起挈瓶而東有落月之  
相隨無一人而我同汲者未動夜氣方歸鏘瓊佩  
之落谷灑玉池之生肥吾三嚙而遄返懼守神之  
訶譏却五味而謝六塵悟一真而失百非信飛仙  
之有藥中無主而何依渺松喬之安在猶想像於  
庶幾

瓊州府志

卷四十一

藝文賦

三

沈香山子賦

子由生日作

蘇軾

古者以芸爲香以蘭爲芬以鬱鬯爲裸以脂蕭爲  
焚以椒爲塗以蕙爲薰杜蘅帶屈菖蒲薦文蔚多  
忌而本羶蘇合若薌而實葷嗟吾知之幾何爲方  
入之所分方根塵之起滅常顛倒其天君每求似  
於髣髴或鼻勞而妄聞獨沉水爲近正可以配蒼  
蔔而並云矧儋崖之異產實超然而不羣旣金堅  
而玉潤亦鶴骨而龍筋惟膏液之內足故把握而  
兼斤顧占城之枯朽宜爨釜而燎蚊宛彼小山巉  
然可欣如太華之倚天象小孤之插雲往壽子之  
生朝以寫我之老懃子方面壁以終日豈亦歸田

而自耘幸置此於几席養幽芳於幌幌無一往之  
發烈有無窮之氤氳蓋非獨以飲東坡之壽亦所  
以食黎人之芹也

南溟奇甸賦

邱濬

伏讀太祖高皇帝勞海南衛指揮敕曰南溟之  
大中有奇甸數千里地居炎方多熱少寒是時  
瓊郡在炎天漲海之外帝卽視之以畿甸而褒  
之以奇之一言豈無意哉濬世家海南北學中  
國偶有所見謹拜手稽首而賦之

爰有奇甸在南溟中邈輿圖之垂盡綿地脈以潛  
通山別起而爲崑崙水畢歸以爲溟渤氣以直達

瓊州府志

卷四十一

藝文賦

四

而專勢以不分而足萬山綿延茲其獨也百川瀾  
茫茲其谷也豈非瀛洲之別區神州赤縣之在異  
域者耶有一奇士全鍾其氣北學於中國頡頏乎  
天下之士於是叫閶闔呈琅玕翱翔乎玉堂徘徊  
乎道山肆言六合之外馳騁百氏之間自詫所生  
之奇勝敢爲高論恣爲大言翰林主人聞之駭而  
訝焉曰吁子來前子生寰區之外漲海之邊學何  
所受道何所傳何所從而至何所見而云然試爲  
我一一言之吾將卽子之所云云者以紀載於簡  
編士曰唯唯乃作而言曰自夫天一生水融而爲  
川地十成土結而爲山川者天地之血脈山者天

地之肌骨血脈流行於肌骨之中浹洽於中而外  
出出乎外而環其中是爲一大堪輿也具元氣之  
渾淪容日月之出没然而大堪輿之外突起於浩  
淼之中而爲小堪輿者又不知凡幾窟穴也是故  
其大而顯者爲帝王之宇小而幽者爲神仙之邱  
帝王之宇是爲神州赤縣神仙之邱是爲員嶠瀛  
洲一則非骨蛻羽毛莫能到而非常理一則雖聲  
名文物之所萃而非真遊惟走所居之地介乎仙  
凡之間類乎島彝而不彝者有如仙境而非仙以  
衣冠禮樂之俗居閩風元圃之堦勢盡而氣脈不  
斷域小而氣局斯全九州一大宇茲爲其奧四海

一通川茲爲其竅上至北極僅十九度於天爲近  
遠至神京幾一萬里於地爲大茫茫巨浸兮與天  
爲界漠漠平川兮壯地之介豈非天造地設藏此  
竒勝於遼絕之域用以見天聽之孔卑表王化之  
無外耶其爲甸也可謂竒矣然竒而不怪焉翰林  
主人曰子之言辯矣豈其然歟載考諸古茲地禹  
貢之所不載職方之所不書郡縣始漢武之世分  
野僅星紀之餘在漢七世固嘗棄之蓋不以之爲  
有無也且甸者王畿之名非所以爲遐外之域竒  
者殊常之稱不可以加寂寞之墟子之言何所據  
而云乎士曰茲豈走之言哉於是乎惕然興竦然

懼舉手加額北望向天百拜稽首而颺言曰此我  
太祖聖神文武統天大孝高皇帝金口之所宣也大  
哉王言乎自吾茲地而得茲言地若增而高物若  
加而妍山林草木濯濯然如在昆吾御宿之近封  
疆畛域整整然如與侯服邦畿以相連嗟夫地以  
人勝從昔皆然蘭渚以蕤之而著天台以孫綽而  
傳夫以殘山剩水之勝一經騷人墨客之所賞詠  
尚揚芳於四外流美於當年矧茲竒甸環海以爲  
疆者餘二千里縱步以行兮地雖甚遐仰首而觀  
今天則伊邇一經大聖之品題山勢駸駸而內向  
波光躍躍而立起物則且然人可知已然則走所  
言者豈無所以耶主人乃仰焉而思俯焉而嘆曰  
良有以也願聞其所以士曰走也少而遊庠序壯  
而走四方雖生於是甸之中而甸之所以爲竒也  
容有所不能詳蓋嘗歷考夫禹益之所記緬想夫  
章亥之所步古往今來之宙上下四方之宇天左  
舒而起牽牛地右闢而起昴畢天有四維地有四  
極東至於泰遠西踰於邠國南訖於濮鉛北底於  
祝粟管子言名山三千墨氏云名川三百三百之  
川總歸滙於東南三千之山皆發原於西北是則  
海者川之所委嶺者山之所積茲甸也居嶺海之  
盡處又越其崖而獨出別開絕島千里之疆總收

中原百道之脈者也原夫天下之山皆自夫崑崙  
而來越戎而夏出險卽彝分爲兩界折爲三支其  
中一支經淮越江而極於衡霍遂散亂而分披至  
此而地勢將盡乃益險巖嶄巖壘崑崙崑崙崑崙孰  
知一脈透出於瀛海之外其地可畫而井無以異  
於秦晉之近圻觀夫天下之川皆至於溟渤而止  
滔滔汨汨雖日趨於東然皆折於南西而後已大  
起而爲國都小起而爲洲坻其尾閭收萬水而瀦  
衆流遂浩漾而無涯涘自此而水勢益下弱莫能  
起漻漻沆瀣渺沔灌漭孰知一島孤峙於瀛海之  
中其地可葦而航無以異於江湖之流水海可渡

兮不踰百里山可登兮不踰尋丈舟之行也朝斯  
往而夕斯返人之遊也足可履而手可杖意其魄  
魄礧礧乃爾坦然彝曠意其汗汗汨汨乃爾悠然  
平漫蕞爾小方外之封疆宛然大域中之氣象陽  
明勝而氣之運也無息機土性殊而物之生也多  
竒相草經冬而不零花非春而亦放境臨乎極邊  
而復有海洩其菀氣而無瘴地四平以受敵無固  
可負歲三穫以常穰有積可仰通衢絕乞丐之夫  
幽谷多耆老之丈古無戰場軾語信乎有徵地爲  
頗善符言斷乎非妄民生存古朴之風物產有瑰  
竒之狀其植物則郁乎其文采馥乎其芬馨陸摘

水桂異類殊名其動物則彪炳而有文馴和而善鳴陸產川游詭象竒形凡夫天下之所常有者□無不有而又有其所素無者於茲生焉歲有八蠶之繭田有數種之禾山富薯芋水廣鱸羸所生之品非一可食之物孔多兼華彝之所產備南北之所有木乃生水樹或出耐麵苞於椰荳莢於柳竹或肖人之面果或像人之手蟹出波兮凝石鱧橫港兮填阜小鳳集而色五並鸞遊而數偶修蝦而龍鬚文魚而鸚噉鱗登陸兮或變火鳩樹垂根兮乃攢金狗甍緣樹杪而飛馬乘果下而走魚之皮可以容刀蚌之殼用以盛酒波底之砂行如郭索

海滋之貝大如玉斗花梨摩刻而文烏櫛不涅而黝椰一物而十用其宜榔三合而四德可取木之精液蕪之可通神明鳥之毳毛製之可飾容首有自然之器具有燦然之文繡天下皆有於菟茲獨無之豈天欲居民蕃息於此常夜戶不閉而無觸藩之虞乎江南皆無蚱蜢茲獨有之豈天欲寓公之久居於此使照壁見喜而無北風之思乎噫斯地也近隔雷廉僅一水耳而物之生也乃爾不同遠去齊晉殆萬里兮而氣之通也胡爲無異若是者雖云生物之偶然安知造物者之無深意也然則茲甸之所以爲甸而竒之所以爲竒者庸有在



於是主人曰然此物之奇爾如人何無乃奇之爲  
奇獨鍾於物而遺於人耶士曰不然天地盛大流  
行之氣始於北而行於南始也黃帝北都涿鹿中  
而堯舜漸南而都於河東其後成周之盛乃自豐  
鎬又南而宅於洛中蓋自北而漸南非獨天地之  
氣爲然而帝王之治亦循是以爲始終蓋水生天  
一而坎位於北而艮之爲山又介乎東北之間自  
北而東折歸於南其氣之所以融結而流行者非  
止乎一水一山之餘而爲嶺水之委而爲海而  
是甸居乎嶺海之外收其散而一之透其餘而出  
之所以通其鬱而解其結其域最遠其勢最下其

脈最細是以開闢以來天地盛大流行之氣獨後  
其至至遲而發也遲固其理也亦其勢焉是以三  
代以前茲地在荒服之外而爲駱越之域至於有  
漢之五葉始偕七郡而八於中國曼胡之纓未易  
也椎結卉服之風未革也持章甫而適之尙懵而  
未之識也魏晉以後中原多故衣冠之族或宦或  
商或遷或戍紛紛日來聚廬託處薰染過化歲異  
而月不同世變風移久假而客反爲主麴糶悍以  
仁柔易介鱗而布縷今則禮義之俗日新矣絃誦  
之聲相聞矣衣冠禮樂彬彬然盛矣北仕於中國  
而與四方髦士相後先矣策名天府列跡縉紳其

表表者蓋已冠冕佩玉立於天子殿陛之間行道以濟時而堯舜其君民矣孰云所謂奇者顛在物而不在人哉主人乃離席而立拱手而言曰神矣哉聖神之見乎其所謂奇者蓋至是乎驗矣士曰不然何地不生才而才生不擇地人才之生何地無之奇哉奇哉豈止是哉當我聖祖肇基之初輿圖際天地兵衛極邊鄙絲綸之音雲漢之章無日而不下無處而不至然而奇甸之言乃獨以專美茲地非甸而謂之甸未奇而預期以奇豈無意哉蓋帝王之言代乎上帝聖人之心通乎天地故能握乾符而妙奪神功闡坤珍而幹旋厚勢遠移而

近書軌合以皆同質變以文聲教暨而靡異咫尺之間振舉乎萬里斯須之頃流通乎百世化庸腐以爲神奇變雜駁以爲精粹遐兮如邇來焉如旣凡其所期兮罔或不遂引而弗替兮終萬古而如是則斯地之所以爲甸而甸之所以爲奇雖造設于天地然所以表而章之昭示於萬世者實本乎奉天啓運宰制山河之聖帝翰林主人聆茲言也輾然以哈憮然以喟曰秘矣哉天之藏此地也遠矣哉聖人之期此地也自夫天開地闢以至今日不知凡幾運幾世矣自夫開疆闢土以建此區不知凡幾王幾帝矣然而多視之以窮荒或遂至於

遐棄孰謂其今日有是哉不假詞臣之代言不出  
輔臣之建議今一旦無事發淵衷運睿慮形之於  
言以爲絲綸之製夫豈無所爲哉皇之言天之意  
也士言及此亦竒士哉於是三復士言而繼之以  
歌曰明明我聖祖兮載闢地而開天惟上帝眷顧  
兮付以其所覆之全仁周八表兮顧獨惓惓於窮  
海之一壘奇哉茲甸兮何幸得聖人題品之言千  
秋萬祀兮長炳炳琅琅乎天地之間

問海賦

明魯彭

余自辛亥春綰符茲土明年壬子秋九月乃遊  
於中珠之墟登臨博敖之坂東望溟海杳無涯

瓊州府志

卷四十一

藝文賦

十一

際舉酒放歌倏然興懷作問海賦以自廣其詞  
曰

惟聖王之誕士德兮求兆牧於寰寓辰極加於軫  
翼兮余始涖乎茲土大海薄而臨隍兮見地維之  
東坼溯浩渺而無涯兮際長空於叵測時殷殷以  
鳴竅兮或轟轟而若雷何爾閔而修咎兮忽雷雨  
乎八荒豈造化之開先兮鼓大氣之茫茫天機動  
其橐籥兮將謂寂感而愈出亶洪鈞於幹旋兮司  
地戶之闔闢喟神異之眇達兮命靈氛爲余十曰  
造化之所秘兮扣夔茅而不告余引睇於扶桑兮  
既瞥目乎沃焦羲和赫其臨御兮望舒服而飄飄

遭四序之代謝兮寓消息於乘除潮汐貞而呼吸  
兮應朔望之盈虛時刻刻其明暎兮溘曖曖乎雲  
屯陰陽馳其不居兮奉行健於無言飛廉肅而秋  
殺兮豐隆動而雲霓判寒暑於晨昏兮歛氣候之  
不齊天妃翳其遙臨兮渺雲衢之錯落何旻奕以  
揚靈兮條上下之靡度紛總總其陸離兮班翱翔  
其委蛇鸞皇道而冉冉兮乘八龍以驅馳舳艫翩  
其揚帆兮續千艘曰烏白泛泱泩之一葉兮通炎  
番於重譯惟王者之無外兮遂通道於蠻彝信中  
國之有聖兮適鳳凰之來儀昔神聖登於崑崙兮  
遊赤水而樂之謂元珠之可得兮令罔象而掇之

揚燧晃而承日兮索方諸以迎月感跋烏之揚精  
兮激顧兔之沮失藹春宮於葳蕤兮接沆瀣之精  
靈禮青皇以長跪兮爰假余以瑤瓊蓬萊望而咫  
尺兮儼瀛洲之可卽苟金光之余佩兮鑲靈芝以  
爲食繫奇肱之飛車兮乘飈涼以西發駛鐵舟之  
汎汎兮指鯨波於吸忽龍伯舉而投竿兮繫汪洸  
之一絲何任公之旦旦兮制神魚于巨緇變桑田  
而三見兮忽人代之屢遷聽海屋之添籌兮又以  
眷乎長年余朝登臨於裊海兮視波濤之崔巍蛟  
龍紛其騫騰兮鼉鼉轟而徘徊大鵬征於九萬兮  
頰鷓鴣之棲卑奮精衛以銜石兮恨津梁之無期

巨鼇突其冠山兮長鯨逝而凌波快奚有於同風  
兮鳴天雞於山阿龍宮敞其縹緲兮蜃氣絢乎樓  
閣駢明珠與大貝兮見寶藏之惟錯欲燃犀以下  
照兮求地軸之所在燭龍銜光以先余兮吾惟質  
夫真宰信造化之神運兮簇萬彙其有生何乖常  
之不一兮欲漱辭而難名余將發軔於暘谷兮聊  
憇足乎三山跡日月之所通兮襲氣母之循環大  
章躡塊而却步兮麾夸父而從之訊天吳以顛末  
兮詔海客而詳之曰氣化之磅礴兮乃機緘之無  
盡藏也苟稔祥之有變兮或不得其常也余乃統  
會於神理兮齊萬物於芻狗渙晻靄於望洋兮得

造化之樞紐昔余取柁於洞庭兮嗣乃泛乎彭蠡  
放震澤而南探兮何瀕洞而無涘旣域中之巨浸  
兮謂余得乎大觀詢鴟夷之所如兮遵五湖而盤  
桓旣周覽於四極兮獲流觀乎重渤藐衆水之難  
爲兮肆裂背而靡極洞寥廓於慘澹兮宛大塊其  
若浮槩大千以閱世兮付吾道於盟鷗羌學海之  
方蹄涔兮總百川而東之豁大度於汪洋兮寘包  
荒而中之亂曰大哉神乎天之高兮地之厚兮穴  
大海而爲戶夫惟管樞乎闔闢兮形萬有於終古

續山蠶繭賦

有序

闕名

瓊稻再熟文蠶八登已爲宇內奇聞而更有埜

蠶不食桑柘自生於糧櫛二木間民因取之以爲利明成化間野蠶作繭於黌宮對案文峰下先輩韓憲副以爲瑞而賦焉今則是處有之渤海生恐其後或且階厲也乃補其逸調以寓勸戒云

伊靈種之誕降兮稟天駟之星精與驊騮爲同氣兮尤生寶而發英丁軒皇之文運兮長受製於西陵皇王欽爲國華兮后妃躬親而視成浴澄川而獻闕宮兮罄百室以夙興風戾桑之汲汲兮霜萑葦而營營胥人工之趨事兮孰神怙而錫朋昔炎漢之中興兮紀野蠶之自贏今祝融之司方兮覲

山繭於自登爾其茂樹爲室兮長林作箔桑柘無須兮櫛糧饑嚼山靈呵護兮蚩蚩列燭毛女不侵兮花神佑作經雨露兮不泐歷風日而炎灼甫蠕蠕其綢繆兮俄累累而若若寒女唧唧於杼軸兮和蕭蕭乎綿絡獻之公子雖不絢乎朱黃布之編氓實可廁夫褐博惟聖人惡無故之利已不勞者不享其成而愚民席有造之遺惠不費焉取之無忤是蓋聖明投珠抵璧不貪難得而寶絲綸循良製錦安絃不爲繭絲而爲衣被人感天而致和斯天假物而錫瑞也且見於文峰之下陳乎庠序之案是其應也將有飛鵠集泮冰紈火浣以承筐振

鷺充廷華國黼黻以入獻者矣彼夫鳳羽麀角寒  
不可以爲帛靈芝瑤草飢不可以爲食卽如鮫綃  
貝錦徒艷其名曷若此之天寶物華允有厥實也  
迺作頌曰天無私覆徧九州兮獨茲海甸民有優  
兮椰爲酒樹天漿流兮杙爲食樹糗糒哀兮櫛糧  
衣樹繭絲綢兮昊天罔極恩難酬兮何以答天衆  
懷柔兮衣服在躬勉束脩兮職思其居良士休休  
兮重爲戒曰天之育民惟普利兮利之所叢害斯  
萃兮廣幅越布昔爲厲兮華綺萬藤女雉經兮金  
香賦愁波羅命傾兮上有所好下禍興兮錦繡千  
純君之所羸兮受大者不得取小慎毋與民爭兮

藝文志七詩

四言

洞酌亭

并序

蘇軾

瓊山郡城眾泉鬻發然皆冽而不食丁丑歲六月予南遷過瓊得雙泉之甘於城之東北隅以告其人自是汲者常滿泉相去咫尺而異味庚辰歲六月十七日遷於合浦復過之太守承議郎陸公求泉上之亭名與詩名之曰洞酌酌彼兩泉挹彼注茲一瓶之中有澗有溜以淪以烹眾喊莫齊自江徂海浩然無私豈弟君子江海是儀既味我泉亦啻我詩

瓊州府志

卷四十一

藝文詩

十六

和勸農六首

有序

蘇軾

海南多荒田俗以貿香爲業所產秔稌不足於食乃以藟芋雜米作粥糜以取飽余既哀之乃和淵明勸農詩以示其有知者

咨爾漢黎均是一民鄙夷不訓夫豈其真怨忿劫質尋戈相因欺謾莫訴曲自我人  
天禍爾土不麥不稷民無用物怪珍是殖播厥薰木腐餘是穡貪夫汚吏鷹鷂狼食  
豈無良田膾膾平陸獸蹤交蹄鳥喙諧穆驚磨朝射猛豨夜逐芋羹藟糜飫飽耆宿  
聽我苦言其福永久利爾鉏耜好爾鄰耦斬艾蓬



藿南東其畝父兄搢挺以扶游手  
天不假易亦不汝匱春無遺勤秋有厚冀雲舉雨  
決婦姑畢至我良孝愛袒椎何愧  
逸諺戲侮博奕頑鄙投之生黎俾勿冠履霜降稻  
實千箱一軌大作爾社一醉醇美

五言古

行瓊儋間肩輿坐睡夢中得句云千山動鱗甲萬  
谷酣笙鐘覺而遇清風急雨戲作數句

四州環一島百岾盤其中我行西北隅如度月半  
弓登高望中原但見積水空此生當安歸四顧眞  
途窮渺觀大瀛海坐詠談天翁茫茫大倉中一米

瓊州府志

卷四十一

藝文詩

十七

誰雌雄幽懷忽破散永嘯來天風千山動鱗甲萬  
谷酣笙鐘安知非羣仙鈞天宴未終喜我歸有期  
舉酒屬青童急雨豈無意催詩走羣龍夢雲忽變  
色笑電亦改容應怪東坡老顏衰語徒工久矣此  
妙聲不聞蓬萊宮

和淵明懷古田舍詩

有序

蘇軾

儋人黎子雲兄弟居城東南躬農圃之勞偶與  
使君張中同訪之居臨大池水竹幽茂坐客欲  
爲釀錢作屋余亦欣然許之名其屋曰載酒堂  
用淵明始春懷古田舍韻作二首

平居有成言垂老竟未踐何曾淵明歸屢作敬通

兩忘返使君亦命駕恨子林塘淺

茅茨破不補嗟子乃爾貧菜肥人愈瘦竈閑井常  
勤我欲致薄少解衣勸坐人臨池作虛堂雨急瓦  
聲新客來有美載果熟多幽欣丹荔破玉膚黃相  
溢芳津借我三畝地結茅爲子鄰鳩舌儻可學化  
爲黎母民

謫居三適

三首

旦起理髮

蘇軾

安眠海自運浩浩朝黃宮日出露未晞鬱鬱濛濛  
松老櫛從我久齒疎含清風一洗耳目明習習萬  
竅通少年苦嗜睡朝謁嘗匆匆爬搔未云足已困  
冠巾重何異服轅馬沙塵滿風駿瑠鞍響珂月寶  
與柎械同解放不可期枯柳豈易逢誰能書此樂  
獻與腰金公

午牕坐睡

蒲團盤兩膝竹几閣雙肘此間道路熟徑到無何  
有身心兩不見息息安且久睡蛇本亦無何用鈎  
與手神凝疑夜禪體適劇卯酒我生有定數祿盡  
空餘壽枯楊不飛花膏澤回衰朽謂我此爲覺物  
至了不受謂我今方夢此心初不垢非夢亦非覺  
請問希夷叟

夜坐濯足

長安大雪年束薪抱衾裯雲安市無井斗水寬百  
憂今我逃空谷孤城嘯鶴鷓得米如得珠食菜不  
敢留況有松風聲釜鬻鳴颼颼瓦盜深及膝時復  
冷暖投明燈一剪爪快若鷹辭鞫天低瘴雲重地  
薄海氣浮土無重髓藥獨以薪水瘳誰能更包裹  
冠履裝沐猴

新居

蘇軾

朝陽入北林竹樹散踈影短籬尋丈間寄我無窮  
境舊居無一席逐客猶遭屏結茅得茲地翳翳村  
巷永數朝風雨涼畦菊發新穎俯仰可卒歲何必  
謀二頃

瓊州府志

卷四十一

藝文詩

十九

息軒

蘇軾

無事此靜坐一日似兩日若活七十年便是百四  
十黃金幾時成白髮日夜出開眼三十秋速如駒  
過隙是故東坡老貴汝一念息時來登此軒目送  
過海席家山歸未得題詩寄屋壁

遷居之夕聞鄰舍兒誦書欣然而作  
蘇軾

幽居亂蛙黽生理半人禽蹙然已可喜况聞絃誦  
音兒聲自圓美誰家兩青衿且欣習齊咻未敢笑  
越吟九齡起韶石姜子家日南吾道無南北安知  
不生今海濶尙挂斗天高欲橫參荆棘短牆缺燈  
火破屋深引書與相和置酒仍獨斟可以侑我醉

琅然如玉琴

和示周續之祖企謝景夷三郎

蘇軾

聞有古學舍竊懷淵明欣攝衣造兩塾窺戶無一人  
邦風方杞夷廟貌猶殷因先生饌已缺弟子散  
莫臻忍饑坐談道嗟我亦晚聞永言百世祀未補  
平生勤今此復何國豈與陳蔡鄰永愧虞仲翔弦  
歌滄海濱

和陶擬古九首

選六

蘇軾

少年好遠遊蕩志隘八荒九夷爲藩籬四海環我  
堂盧生與若士何足期杳茫稍喜海南州自古無  
戰場奇峰望黎母何異嵩與邛飛泉瀉萬仞舞鶴

瓊州府志

卷四十一

藝文詩

二十

相低昂分沫未入海膏澤彌此方芋魁尚可飽無  
肉亦奚傷

其四

馮洗古烈婦翁媪國于茲策勲梁武後開府隋文  
時三世更險易一心無磷緇錦傘平積亂犀渠破  
餘疑廟貌空復存碑版漫無辭我欲作銘誌慰此  
父老思遺民不可問僂句莫余欺爆牲菌雞卜我  
當一訪之銅鼓壺盧笙歌此迎送詩

其五

沉香作庭燎甲煎紛相和豈若注微火縈煙嫋清  
歌貪人無饑飽胡椒亦求多朱劉兩狂子隕墜如  
風花本欲竭澤漁奈此明年何

其六

雞窠養鶴髮及與唐人遊來孫亦垂白頗識李崖

州再逢盧與丁閱世眞東流斯人今在亡未遽掩  
一邱我師吳季子守節到晚周一見春秋末渺焉  
不可求

七其

城南有荒池瑣細誰復採幽姿小芙蕖香色獨未  
改欲爲中州信浩蕩絕雲海遙知玉井蓮落葉不  
相待攀躋及少壯已矣那容悔

八其

黎山有幽子形槁神獨完負薪入城市笑我儒衣  
冠生不聞詩書豈知有孔顏翛然獨往來榮辱未  
異關日暮鳥獸散家在孤雲端問答了不通歎息  
指屢彈似言君貴人草莽栖龍鸞遺我吉貝布海  
風今歲寒

九其

瓊州府志

卷四十一

藝文 詩

二十一

五色雀

并序

蘇軾

海南有五色雀常以兩絳者爲長進止必隨焉  
俗謂之鳳凰早見輒雨潦則反是吾卜居儋耳  
城南嘗一至庭下今日又見之進士黎子雲及  
其弟威家旣去吾舉酒祝之曰若爲吾來當再  
集也已而果然乃爲賦詩

粲粲五色羽炎方鳳之徒青黃縞元服翼衛兩紱  
朱仁心知閔農常告雨霽符我窮惟四壁破屋無  
瞻烏惠然此粲者來集竹與梧鏘鳴如玉佩意欲  
相嬉娛寂寞兩黎生食菜眞臞儒小圃散春物野  
桃陳雪膚舉杯得一笑見此紅鸞雛高情如飛仙

相嬉娛寂寞兩黎生食菜眞臞儒小圃散春物野  
桃陳雪膚舉杯得一笑見此紅鸞雛高情如飛仙  
未易握粟呼胡爲去復來眷眷豈屬吾回翔天壤  
間何必懷此都

食檳榔

蘇軾

月照無枝林夜棟立萬礎眇眇雲間扇蔭此九月  
暑上有垂房子下繞絳刺禦風披紫鳳卵雨暗蒼  
龍乳裂包一墮地還以皮自煮北客初未諳勸食  
俗難阻中虛畏泄氣始嚼或半吐吸津得微甘著  
齒隨亦苦面目太嚴冷滋味絕媚嫵誅彭勲可策  
推轂勇宜賈瘴風作堅頑導利時有補藥儲固可

瓊州府志

卷四十一

藝文詩

二十二

爾果錄詎用許先生失膏梁便腹委敗鼓日啖過  
一粒腸胃爲所侮蟄雷殷臍腎藜藿腐亭午書燈  
看膏盡鉦漏歷歷數老眼怕少睡竟使赤背努渴  
思梅林嚙饑念黃獨舉奈何農經中收此困羈旅  
牛舌不餉人一斛肯多與乃知見本偏但可酬惡  
語

海上作

宋 宋務光

曠哉朝夕池大矣乾坤力浩浩去無際沉沉不  
測崩騰歛眾流泱漭環中國鱗介錯殊品氛霞饒  
詭色天波渾莫分島樹遙相識漢主探靈怪秦皇  
恣遊陟搜竒大壑東竦望成山北方術徒相誤蓬

萊安可得吾君累仙道至化孚淳默驚浪接窮溟  
飛航通絕域馬人底厥貢龍伯修其職粵我邁休  
明匪躬期正直敢輸鷹隼鷲以閒豺狼忒海路行  
已殫輶軒未遑息勞君去日暮旅涕滄浪極魏闕  
渺雲端馳心負歸翼

登載酒堂

二首

虞集

翳翳儋耳城歷歷桄榔樹百年遺古邱新堂設賓  
阼清風海上至朝陽在庭戶丹山五色鳳覽德屢  
來顧甘辛熟桂酒羅列雜蘋符黎多孫子食飲  
祭先具蛟龍波浪深歸來風雨除

鑿井得甘泉渴者恒自私流潤不擇地委順復何  
疑海南絕風雨水木况華滋鄰舍解讀書諸生還  
誦詩何必懷故都聊樂宜在茲星河度白鶴山月  
懸蛾眉來遲去何速勞人千載思

波羅蜜

王佐

大易稱碩果此物無與友重大難著枝一一樹腰  
吐造化妬全美命形有好醜好者如圓甕醜者如  
缺缶周殼刺森森乍見驚觸手秋來復釀蜜好醜  
無不有簇簇黃金苞十百聚一母異香謝龍腦慎  
摘敢輕剖置之密室中香風穿戶牖分甘各滿量  
弃核收升斗濯香炒弃核比栗猶可口下惠食飴  
美思以養黃耆我心亦似之食此忍下脰憶昔博

望侯空遍西域走波斯佛林產武帝曾識否寥寥  
千載下識者屬誰某怪哉唐成式秘檢搜二酉著  
此異木篇其傳亦已久何時來瓊海名稱小變舊  
無乃西海舶世遠不可究在昔歲丙辰尤物爲民  
咎誰俾死復生女中堯舜后遺澤萬萬年每食祝  
萬壽

宣德間歲取波羅充貢正  
統改元奉太皇太后禁止

食檳榔白

未結實  
曰白

王佐

首夏一夜雨霜花千苞開不嫌茅舍貧清香日日  
來徐步探小園嫩白紛蕤葳腴膂出腸胃瓊瑶有  
根芫一味紫羅外百和惟取裁呼童南園隈薄採  
新年栽靈芽呈雀舌枸醬剗龍胎何當賚靈符浩

瓊州府志

卷四十一

藝文詩

二十四

劫昆明灰和香一入口春風行百骸肺腑蓄瘴腥  
固結難推排頃刻發輕汗清飈掃雲霾豁開胸中  
天寸鏡何恢恢雲漢轉無聲星斗皆昭迴天機動  
一闔天籟鳴九垓開襟當涼風灑灑何快哉

天南星

王佐

橘過淮爲枳非戀淮南好南方風土宜橘性自能  
保君有天南星處處入本草夫何生海南而能濟  
饑飽八月風颼颼閭閻菜色憂南星就根發纍纍  
滿筐收大者或連梗如孛如旄頭小者累十百附  
大如贅瘡攜來煮大鎗翁媪坐綢繆熟盛巨瓦鉢  
剝嚼飽乃休兒孫分瓦碗滿量各自由飽睡到天



明何管蝶夢周主母晨相過煮茶亦見留加敬致  
殷勤潔脫烜膏油餘留上市賣今夜賞中秋城中  
剥鬼皮比屋有價酬外此惟果腹閭閻以優游海  
外此美產中原知味不

瓊枝菜

王佐

憶前爲羣兒手弄瓊枝菜喚作白珊瑚相持助王  
愷或持枯木枝喚作鐵如意欲擊而碎之爭雄以  
爲戲棲遲今白首逢人話年少冰盤嚼水晶坐對  
瓊枝笑

鴨脚粟

王佐

五穀皆養生不可一日缺誰知五穀外又有養生

瓊州府志

卷四十一

藝文詩

二十五

物茫茫大海南落日孤鳧沒豈有萬億足隴畝生  
倏忽初如鳧足撐漸見蛙眼突又如散細珠釵頭  
橫曲屈草部非所同穀部頗公共乃知天地心養  
人非一種三月方告饑催租如雷動小熟三月收  
足以供迎送八月又告饑百穀青在隴大熟八月  
登恃此以不恐瓊民百萬家菜色半貧病每到饑  
月來此草司其命閭閻飽餠餅上下足酒漿豈獨  
濟其暫亦可贍其常薏苡名珍珠虛名誤忠良萸  
稗雖可食苟且充饑腸若與此方駕二物當服箱  
草部在所珍強名之曰粟持此問司穡可曾在所  
屬

娟合浦珠沉淚藍田玉葬煙至今流水哭聲似百  
年前

雲林隱養

明 錢 福

海南有佳士枕海以爲廬海風吹行雲雲散林木  
疎雲散有時合木落不復初所以愛日心羲馭同  
馳驅豈不知富貴富貴浮雲如寧似林泉間春雨  
剪園蔬更將南溟水盡畜廬江魚五鼎直贅瘠晨  
昏足庖厨愧殺王陵者勛業何爲歟

憫黎詠

六首

明 錢 鏞

在昔邃古初鴻濛闢天地絕谷嶂南海深箐鬱蒼  
翠中有黎母居伊人尙蒙昧鑿井以飲渴農田亦  
時藝荒路曖匪通幽巖或交市雖爾隔華界猶紀  
王正歲生黎若草木榮隕隨和厲熟黎若鳥獸儻  
俟無智慮所以古先聖馭之以不治

粵南本炎嶠矧此瓊崖東元冬日且和幽郊鮮陰  
風花柳蔭廣隰苗黍青芄芃皇仁漸南極草木均  
化工豈獨茲黎人物與非吾同軍行值人日感歎  
心冲冲

朝發城東門夕駐藤江壘殺氣千層雲狼師渡藤  
水雞犬皆震驚人民盡奔徙海避愁蛟蛇山匿畏  
虎兕蛇虎猶可虞狼毒不可邇軍令甚分明顛仆  
何由弭伶俜泣路衢迸淚不能已嗟哉一將功豈

獨萬骨毀

海南無猛虎而有麋與麋元崖產珍木種種稱絕  
奇斯物出異域頗爲中國推以茲重徵索奔頓令  
人疲窮年務采獵爲官共饋儀苦云近歲盡無以  
充攜持直欲訴眞宰鏟此蘇民脂物理有固然怵  
怛令人思

葉落當歸根雲沉久必起黎人多良田征斂苦倍  
蓰誅求盡餘粒尙豢犢與豕昨當租吏來宰割充  
盤几吏怒反索金黎民那有此泣向邏者借刻箭  
以爲誓貸一每輸百腴削痛入髓生當剥肌肉死  
則長已矣薄訴吏轉嗔鎖縛不復視黎兒憤勇決

瓊州府志

卷四十一

藝文詩

二十七

挺身負戈矢鎗急千人奔犯順非得已赫赫王章  
存令人棄如紙

朔風戒良節赫赫張皇師軍門號令嚴震肅將天  
威壯士快鞍馬鋒簇如星飛一舉破賊壘刀斧紛  
紛揮剖尸越邱阜踏血腥川坻白日暗西嶺瘴氣  
昏餘暉翅鼠隨我前饑鳥逐人歸征夫懷慘憂涕  
泗霑我衣黎人本同性云何發禍機神武貴勿殺  
不在斬獲爲息火當息薪弭兵當弭饑誰生此厲  
階哲士知其非

文筆峯

王宏誨

炎洲窮滅沒岡巒互參次卓矣文筆峯峻嶒拔平

地壁立無因援絕巘削如刺丹梯入鳥道秀色天  
門侍始歷尙逶迤望望轉穹邃陰洞引奎芒石几  
繡霞帔含毫日五色點染氤氳賁滄海環墨池奇  
甸標靈閼遙憶鴻濛初妙有分萬類高下還清濁  
川嶽界殊位不知浩渺中地脈潛何寄突然五指  
伸復此擎一臂巨靈不可測清淑羨含異嶽降豈  
偶然作者誰當畀我本山人微尙耽仁智竭來  
俯八極覽化窺元始顧已慚鉛錕叨名厠簪珥斯  
文誠在斯吾黨責誰諉夙希青鏤管願授紫庭秘  
稽首祈山靈浩歌發幽致

黎崱行

國朝 李聘

瓊州府志

卷四十一

藝文詩

二十八

南方風土異終古無霜雪祝融常司令四序皆炎  
熱蠢爾崑中黎其性與人別上者爲巢居下者爲  
營窟歲晚不知年但視月圓缺家家養黎鬼遇事  
咸取決婚嫁無媒妁踏歌以相媒生計獵與漁茹  
毛還飲血胡然混沌風秉性逞雄傑同類日紛爭  
比戶成吳越刀箭必隨身榮辱在勇怯大崑連千  
家小崑遍邱垤野性如豺狼觸之卽肆齧時或擾  
邊陲撻伐寧盡滅余初尹茲土朝夕心切切入境  
纔三日躬自履其穴家諭復戶曉悚聽生歡悅椎  
牛以犒之少長咸就列約法申三章俯首更吐舌  
從茲修職貢輸將果應節耕鑿安畎畝鷲戾轉馴

帖年來盡格心釁隙罕萌蘖試觀鹿豕羣芻豢可  
維絀念此亦人類教化豈難浹莫以異類看動卽  
威鈇鉞恩信以懷之藩籬不可撤

七言古

眞一酒歌

并序  
麥水三者爲之

蘇軾

布算以步五星不如仰觀之捷吹律以求中聲  
不如耳齊之審鉛汞以爲藥策易以候火不如  
天造之眞也是故神宅空樂出虛謁鞠者以氣  
升孰能推是類以求天造之藥乎於此有物其  
名曰眞一遠遊先生方治此道不飲不食而飲  
此酒食此藥居此堂予亦竊其一二故作眞一  
之歌其詞曰

空中細莖插天芒不生沮澤生陵岡涉月四氣更  
六陽森然不受螟與蝗飛龍御月作秋涼蒼波改

瓊州府志

卷四十一

藝文詩

三十

色屯雲黃天旋雷動玉塵香起搜十裂照坐光跏  
趺牛噍安且詳動搖天關出瓊漿王公飛空丁女  
藏三伏遇井了不嘗釀爲眞一和而莊三杯儼如  
侍君王湛然寂照非楚狂終身不入無功鄉

四月十一日食荔枝

蘇軾

南村諸楊北村盧白花青葉冬不枯垂黃綴紫烟  
雨裏特與荔子爲先驅海山仙人絳羅襦紅紗中  
單白玉膚不須更待妃子笑風骨自是傾城姝不  
知天公有意無遣此尤物生海隅雲山得伴松檜  
老霜雪自困楂梨麤先生洗盞酌桂醕冰盤薦此  
蘋虬珠似聞江鯨斫玉柱更洗河豚烹腹腴平生

涉世本爲口一官久已經蓴鱸人間何者非夢幻  
南來萬里眞良圖

遊白石洞

宋 白玉蟾

昔年曾上白石峯曉吸丹井拏芙蓉壇前星斗光  
燦燦凌空坐可摩飛鴻劉郎重到幽都觀東風不  
改桃花紅誰向陰崖結虛寶石鯨飲潤水龍溼流  
泉疊磴發天闕野蔓藜篁自蒙密忽然飛雨來半  
空不知林外猶殘日引身東望滄海田谷神洞口  
雲綿綿琅玕珊瑚遠莫致且鉏笋蕨烹春鮮此中  
佳趣不可傳我欲矯首問計然吳越興亡跡如掃  
山色依依青未丁何年金鼎出空山鷄犬餘丹能

瓊州府志

卷四十一

藝文詩

三十一

却老短衣射虎自有人共著青鞋拾瑤草

載酒堂

并序

元 柳貫

蘭溪彭侯震卿爲南寧軍判嘗訪得蘇文忠載  
酒堂遺跡築室肖像卽修祠事予知侯有懷賢  
尙德之心則夫宜人之政是不一書而已

東坡先生如龍鸞世人疑其欲飛蟠九州四海不  
容足躡身徑去窺髦鬢南荒儋耳萬里國帝遺海  
若開奇觀潛淵挾得睡驪目思山夢見蛾眉鸞颺  
風惡浪吁可駭土芋脫粟纔供餐黎家兄弟好事  
者小酒初熟生微瀾卍童迎客吹葱葉門東刺竹  
西牛欄扶攜歸去常半醉流落生存重一歡四黎

善善君子類若比章蔡猶蕭蘭天乎木鐸何望爾  
蠅之附驥渠非難詩尋雪跡到鴻爪正用載酒標  
堂顏百年文獻隨草莽庭階蕪沒井且習風流別  
駕彭夫子不負進賢頭上冠是心尙德甚飢渴挈  
取舊物還祠官書銘小摘桃榔綠薦俎時羞荔子  
丹海邦夷俗雜蛙黽茲事信爲風化端聲音固有  
合琴瑟嗜好果豈殊鹹酸竭來蘭陰語吾故緇衣  
三咏三長嘆咄哉愷悌神所勞雲路矯首看扶搏

南湘江觀海濤

明瓊山令

李思迪

濟南人

海風捲水海欲黑翻天沃日高千尺馮夷起舞羣  
龍趨六鼇駕出雪山白洪流洶湧迷天關我行見

瓊州府志

卷四十一

藝文詩

三十二

之心膽寒須臾滿耳自澎湃萬鼓怒吼雷門間水  
晶樓閣白玉闕千尋萬疊不可越有客破浪乘長  
風使我因之壯心發

雲林隨寓

爲羅仲舉題

明瓊山教諭

趙

謙餘姚人

雲飄渺兮林蒼茫江湖濶兮山水長風月有時兮  
花木有香魚鳥可狎兮蔬筍可湘隨所寓兮樂康  
舟車所至兮於焉徜徉

璞墩

邱濬

昔君築墩當近林種桐十載期製琴今君築墩向  
遠壑移石千山期得璞晨昏來往兩墩間功名富  
貴皆等閑有時哦詩石上坐有時拂軫桐陰彈鳳



凰枝老秋蕭索却傍雲根事耕鑿琅玕箇箇拂雲  
長玉屑霏霏逐風落一溪流碧彎半璜泉聲琮琤  
鳴珮璫山含輝兮木含潤人言此地如崑岡瓊枝  
琪樹羅階砌夜深疑有白虹氣藍田殮法曾試無  
北平種子應生未我家城西君城東梯雲石磴遙  
相通別來茫茫隔烟海置身遠在羣玉峯何時對  
子盧胡笑把酒同澆磊砢胸

濁海歌

邱濬

天下百川皆清漪一流入海便成緇茫茫不復辨  
涇渭混混孰與論澗淄洪濤巨浪轟轟怒不覺已  
身如穢瓠思之何如山下泉清冽甘芳爲人慕我  
向潮頭三太息志欲澄清勢未及願言上帝檄天  
吳一夜黑波化成碧

橋頭溪

王宏誨

清溪如帶遶村麓溪上橫橋漱寒玉三三五五往  
來通谷口人家武陵俗何來驟雨漲漚沙舍南舍  
北皆桃花傍岸野樵時失路隔林丹壑多流霞主  
人臥穩朝慵起春色夜來深幾許授履長懷圯上  
人乘槎恐犯機邊女君不見孟門險瞿塘深一日  
風波幾陸沈何如把弄灘頭釣坐聽滄浪大古音

五指山

國朝學  
吳鴻人  
杭州

域中正祀尊五嶽海外乃有三神山山隨風去杳

莫卽幾時得遇方壺圓嶠之飛仙瓊州望嶽幾千  
里我行但見蓬萊水何處乖龍罷戰來鱗甲滿天  
森五指截業峻嶒次第排右環儋耳連珠崖橫空  
截斷南北路時見猿啼鵲沒霧黯而風霾趙佗老  
稱制陸賈爲之摧茲山崛起亦復爾兀立海外不  
與三百六十名山儕黎岐穴居不知數馴卽犁犢  
怒則爲狼豺憑依此山作窟宅老死不復施巾鞋  
傳聞此輩頗憚見官長一吏入室千夫猜紛紛籍  
籍餽酒肉再拜稽首同輿臺嗚呼山藪豈藏疾自  
織自耕還自食莽莽天低不盡雲蠢蠢人留太古  
色君不見銅柱威懸林邑中獨留此地未施功又

瓊州府志

卷四十一

藝文詩

三十四

不見海公慷慨上封事願闢山南大路通

廟堂撫綏要有道一物熙育

皇慈同山兮山兮願汝壽同嵩華並泰岱亘千萬載屏

障南溟風

輓陳烈女

國朝守備 馮繼異

臨高陳女何其烈十四盈盈一腔血未字王郎郎  
忽殤聞喪奔赴不待決忍餓不食嚙郎衣日日嚙  
衣如嚙雪只願見郎不願生相隨地下鴛鴦結誓  
將十日以爲期嚙盡郎衣果斷絕君不見食盡張  
睢陽甘爲厲鬼寧苟活又不見絕粒文丞相至死  
此心終不屈丈夫大義更誰明處子何由知死節

況是叔季風已頽幾人斷臂與封髮矯矯惟爾似  
蓮花不染淤泥能獨潔賢令爲封三尺墳鴛鴦塚  
上照明月更爲作傳如董狐凜然直有千秋筆他  
年留與採風人我亦長歌一聲發

載酒堂歌

翁方綱

蘇文忠在儋耳爲黎子雲兄弟作載酒堂詩二  
首觀其序云坐客欲爲釀錢作屋予亦欣然許  
之蓋意擬而云然堂實未嘗作也次章雨急瓦  
聲新以下皆預擬之詞虞文靖學古錄有題此  
堂詩蓋後人補作之今無可考矣堂在儋州東  
南二里今以祠公瓊州志亦不載修建年月

瓊州府志

卷四十一

藝文 詩

三十五

先生卜居南北不一遂載酒聊借黎家堂黎家之  
堂亦意擬屋向紙上徒軒昂又借淵明懷古田舍  
詩詩境大抵託渺茫後人轉好事起屋儋之旁名  
公所名酹公爵海南萬古真公鄉此鄉留公初未  
久但記諸黎舍邊常載酒當日牛欄西畔居吹葉  
送迎亦何有兩兄弟三四童揖符老招吳翁先生  
曳杖來相對惟張中主人脫畧客不同詩聲琅琅  
兼有舞雩風可憐數子萍相逢枕榔葉中亦不容  
空意作亭問竒字何曾有閣棲揚雄釣魚池上雨  
歸路藜藿荒涼但烟霧世間好手爭作笠屐圖那  
識欣然叩門處往時蜀人虞伯生爲堂題句如有

情徒供寒泉桂醕于此設賓阼城隅水木晨風清  
我來詠公詩兼欲訪公字此堂乃自後人開併省  
題名辨真僞創修時代復不傳反類當年聊寄意  
東南之圃地是非黎歌蠻舞祝公歸長空漠漠鳥  
雙去惟見海水四面秋濤飛

兵出洋

國朝拔貢 林桂山

三月初旬兵出洋白日晝晦風飛揚一鼓作氣遇  
賊夥爭先引却波低昂其時二船故不戰誘入深  
處島中央前者後者環如堵矢石如飛賊勢強殘  
喘弱兵膽已落叅府錢公力獨當一手捩舵一手  
戰殺三四賊如屠羊賊欺勢孤勇益奮逞兇向公

瓊州府志

卷四十一

藝文詩

三十六

中一鎗挺身猶自立不動揮刀斫賊多殺傷賊跳  
過船頭隨墮紅浪如山血汪洋賊衆復斷公一手  
事已難濟天無光碎剉肉泥投海水魚龍感憤首  
騰驤大號官船袖手看紛紛兵弁唯徬徨吁嗟乎  
嘯聚羣醜逞雄武兵卒怯弱官周章人各異心保  
首領怖死出海如閨房君不見香山彭明府文官  
赤手搏虎狼生擒巨盜以百數渠魁纍纍繫成行  
當日瓊海能有此賊勢消退歸何方吾儕受賜應  
無疆

李孝子歌

孝子名朝欽澄邁庠生見孝友傳

張岳崧

定安人

黑雲羃海淒風鳴梟禽作音鯨鯢橫高檣大戟耀

白晝叱縛戍卒如孩嬰磨牙吮血恣一飽貫髮繫  
頸誰能攫纍纍擄掠納巨舶暮失贖緩朝爲烹我  
聞孝子弱冠耳傷父被執從之行家貲傾盡父疾  
劇雪刃屢試啼呶嚶拊膺痛丐代父死氣動白日  
天崢嶸以手掬穢自浣濯以體翼刃聊撐撐悲風  
怒濤助哭踊何物逆惡憐其誠小艘出波縱近岸  
背負蹙蹙頻顛傾吁嗟父兮隕厥命愴呼匍匐憐  
孤惇淋漓血指力掘地表以纍石爲之瑩行丐喘  
息病垂絕觀者感救蘇餘生竭來航海十四日負  
骸歸葬邱首營君不見白虹貫日氣所感精衛銜  
石波能平自古至性動天地孝子之行尤堪驚出  
名

五言律

利山亭書懷

唐 李德裕

巖石在朱戶風泉當翠樓始知峴亭賞難以清暉  
留餘景淡將夕凝嵐輕欲收東山有歸志方接赤  
松遊

寄家書

李德裕

瓊與中原隔自然音信疎天涯無去鴈船上有回  
書一別五年外相思萬里餘開緘更多感老淚濕  
霜鬚

渡海得子由書

蘇軾

經過廢來久有弟忽相求戶外三竿日江關一葉

瓊州府志

卷四十一

藝文詩

三十七

秋蕭疎悲白髮漫浪散窮愁世事江聲外吾生幸  
且休

寓儋一首

蘇軾

小邑浮橋外青山石岸東茶槍燒後出麥浪水前  
空萬戶不禁酒三年眞識翁結茅來此住歲晚有  
誰同

歸姜驛

宋 楊萬里

嵐氣秋還熱歸姜晚暫棲雲隨一海去日在萬山  
西密樹通泉過荒林使逕迷登高長發嘆清地說  
生黎

紀行

明 柳邦傑

寓儋因弔古三日出田頭避熱人行夜思鄉客怕  
秋暗藤迷驛路明月滿沙洲自笑非仙侶飄飄海  
上遊

瓊山

邱濬

環海三千里珠崖第一山名馳四海內秀出萬峯  
間月下森瑤簡風前振佩環孤高猶潤澤蠟屐未  
容攀

珠崖

鍾芳

前代珠崖郡於今少竄臣山橫天有障地盡海無  
垠異種三生穀殊言五等人淳風傳古昔力作自  
相親

瓊州府志

卷四十一

藝文詩

三十八

銅鼓嶺

王宏誨

一縱登臨目蒼茫大宇空斷山浮灩澦削壁判鴻  
濛地撼魚龍鬪潮爭鼓角雄憑高獨舒嘯宛在水  
晶宮

遊東山

王宏誨

寺冷秋光逼濛濛晚色渾秋深留雨意村遠帶烟  
痕飲馬奔溪路行人指縣門前途傳阻渡飄泊念  
王孫

暮歸僧寺

國朝昌化令陶元淳常熟人

暝色城先到人聲野更稀山深難得月水暗欲濺  
衣魑魅憎人過蟲沙得地飛迷途知未遠鐘起喚

君歸

南橋夜月

國朝文令 馬日炳奉天人

紫貝鐘聲寂南橋月正明柳烟迷古道花影護春  
城海濶萍踪遠天空眼界清澄波如練白知是暮  
潮平

觀稼亭

進士 謝寶瓊山人

浮粟留名勝芳遊我慣經頭憐新月白眼對舊山  
青多稼分千畝雙泉共一亭為懷春夢客把酒話  
滄溟

遊眞如寺

欽州 符家麟瓊山人

一徑圍疎竹中藏古寺深庭空花自落樓小月初

瓊州府志

卷四十一

藝文詩

三十九

臨掃地安禪席登壇辨梵音陶公如許醉社欲結

東林

用過韻冬至與諸生飲

五言律

蘇軾

小酒生黎法乾糟瓦盎中芳辛知有毒滴瀝取無  
窮凍體寒初泫春醅暖更饒華夷兩樽合醉笑一  
杯同里閨峩山北田園震澤東歸期那敢說安訊  
不曾通鶴髮驚全白犀圍尙半紅愁顏解符老壽  
耳鬪吳翁得穀鶩初飽亡貓鼠益豐黃薑收土芋  
蒼耳斫霜叢兒瘦緣儲藥奴肥為種松頻頻非竊  
食數數尙乘風河伯方夸若靈媧自舞馮歸途陷  
泥淖炬火燎茅蓬膝上王文度家傳張長公和詩



仍醉墨戲海亂羣鴻

瓊州府志

卷四十一

藝文  
詩

四十

七言律

貶崖州司戶道中

李德裕

嶺水爭分路轉迷  
桃榔椰葉暗蠻溪  
愁衝秋霧毒蛇草  
畏落沙蟲避燕泥  
五月畚田收火米  
三更津吏報潮雞  
不堪腸斷思鄉處  
紅槿花中越鳥啼

水南村二首

爲黎伯亨題

宋 盧多遜

珠崖風景水南村  
山下人家林下門  
鸚鵡巢時榔結子  
鷓鴣啼處竹生孫  
魚鹽家給無墟市  
禾麥年登有酒樽  
遠客杖藜來往熟  
却疑身世在桃源  
一簇晴嵐接海霞  
水南風景最堪誇  
上籬薯蕷春添蔓  
繞屋檳榔夏放花  
獐犬入山多豕鹿  
小舟橫

瓊州府志

卷四十一

藝文詩

四十一

港足魚蝦誰知絕  
島窮荒地猶有幽人學士家

由澄邁渡海

蘇軾

參橫斗轉欲三更  
苦雨酸風也解晴  
雲散月明誰點綴  
天容海色本澄清  
空餘魯叟乘槎意  
粗識軒轅奏樂聲  
九死南荒吾不恨  
茲遊奇絕冠平生  
儋耳卽事

霹靂收威暮雨開  
獨憑欄檻倚崔嵬  
垂天雌霓雲端下  
快意雄風海上來  
野老已歌豐歲語  
除書欲放逐臣回  
殘年飽飯東坡老  
一壑能專萬事灰  
庚辰歲人日作聞  
黃河已復故流老  
臣舊數論此

今斯言乃驗二首

蘇軾

老去仍棲隔海村夢中時見作詩孫天涯已慣經  
人日歸路猶歡過鬼門三策已應思賈讓孤忠終  
未赦虞翻典衣剩買河源米屈指新芻作上元  
不用長愁掛月村檳榔生子竹生孫新巢語燕還  
窺硯舊雨來人不到門春水蘆根看鶴立夕陽楓  
葉見鴉翻此生念念隨泡影莫認家山作本元  
庚辰歲正月十二日天門冬酒熟予自漉之且漉  
且嘗遂以大醉二首

自撥床頭一甕雲幽人先已醉濃芬天門冬熟新  
年喜麴米春香並舍聞菜圃漸踈雲漠漠竹扉斜  
掩雨紛紛擁裘睡覺知何處吹面東風散纈紋

瓊州府志

卷四十一

藝文 詩

四十二

載酒無人過子雲年來家釀有奇芬醉鄉杳杳誰  
同夢睡息齁齁得自聞口業向詩猶小小眼花因  
酒尙紛紛點燈更試淮南語汎溢東風有縠紋  
海南人不作寒食而以上巳日上塚余攜一瓢酒  
尋諸生皆出矣獨老符秀才在因與飲至醉符  
蓋儋人之安貧守靜者也

老鴉啣肉紙飛灰萬里家山安在哉蒼耳林中太  
白過鹿門山下德公回管寧投老終歸去王式當  
年本不來記取城南上巳日木棉花落刺桐開

十二月十七夜坐達曉寄子由

蘇軾

燈燼不挑垂暗蕊香爐重撥尙餘薰清風欲起鴉

翻樹缺月初升犬吠雲閉眼此心新活計隨身孤  
影舊知聞雷州別駕應危坐跨海清光與子分  
戊寅上元夜過赴儋守召獨坐有感 蘇□軾  
使君置酒莫相違守舍何妨獨掩扉靜看月牕盤  
蜥蜴臥聞風幔落蜘蛛燈花結盡吾猶夢香篆殘  
時汝欲歸搔首淒涼十年事傳柑歸遺滿朝衣  
自昌化雙谿館下步尋溪源至治平寺二首

亂山滴翠衣裘重雙澗響空牕戶搖飽食不妨溪  
竹瘦穿林閒覓野芎苗却愁縣令知遊寺尙喜漁  
人爭渡橋正似醴泉山下路桑枝刺眼麥齊腰  
每見田園輒自招倦飛不擬控扶搖共疑楊惲非

瓊州府志

卷四十一

藝文 詩

四十三

鋤豆誰信劉章解立苗老去尙貪彭澤米歸時應  
到錦江橋宦遊莫作無家客舉族長懸似細腰

登載酒堂

二首

楊萬里

先生無地隱危身天賜黎山活逐臣萬里鯨波隔  
希夷千年桂酒弔靈均忠貞塞得乾坤滿日月伴  
渠文字新祇箇短簷長帽子青蓮居士謫仙人  
先生流落海之涯茅屋三間不到伊幸有高堂懸  
畫像更無閑客寫新詩古來聖賢作如此身後功  
名屬阿誰底事百年譚太守却教賓主不同時

送春郊行

白玉蟾

怨風怨雨總皆非風雨不來春亦歸越鳥啼殘花

影瘦吳蚕眠老柘陰稀枝頭紅綻梅初熟口角黃  
乾燕學飛我亦欲歸歸未得擔頭猶掛一蓑衣

秀香堂

宋 李光

山遠江深勝地藏森森喬木間修篁月林不動參  
差影花徑常供自在香沈水薰殘金鴨冷落花飛  
盡綠陰涼神通甚愧維摩老聊表蠻邦作客鄉

別瓊州和李參政韻

宋 胡銓

肯悔從前一念差崖州前定復何嗟萬山行盡逢  
黎母雙井渾疑似若耶行止非人十年夢廢興有  
命一浮家此行所得誠多矣更願公從泛此槎

哭趙忠簡

胡銓

瓊州府志

卷四十一

藝文詩

四十四

以身去國故求死抗議犯顏今獨難閣下大書三  
姓在海南惟見兩翁還一坵孤塚留瓊島千古高  
名屹泰山天地只因慳一老中原何日復三關

東坡書院

元參政 王仕熙

元祐先生玉署仙海南遺跡有雙泉古城雲鎖荒  
祠月高樹風吹野水煙酌酒浮杯空九曲斷碑懷  
古又千年醉醒誰唱滄浪曲與在山城縹緲邊

水南暮雨

王仕熙

千樹檳榔養素封城南籬落暮雲重稻田流水鴉  
濡翅石崗浮煙鹿養茸明日買山添薯蕷早春荷  
鍤剪芙蓉客來蚤浦尋蓑笠黃蔑穿魚酒正濃

稻隴眠鷗

王仕熙

北江春暖雨聲殘  
穠稜凌風露未乾  
水鳥不驚人語寂  
夕陽無限野雲寒  
閒依翡翠眠芳草  
靜看鷓鴣下遠灘  
萬里客來機事息  
買田還把釣魚竿

牧原芳草

王仕熙

曾識沙陀放馬羣  
雨晴喜見滿川雲  
四時芳草平如剪  
一氣中原遠不分  
水際帶沙青苒苒  
山中和露碧氤氳  
乘黃天上多韞策  
欵段從教臥夕曛

海南風景

邢宥

南荒千里盡王疆  
四顧天連海色蒼  
二郡輿圖興自漢  
五州編戶盛於唐  
故家大半來中土  
厚產偏

瓊州府志

卷四十一

藝文詩

四十五

多起外莊絃誦聲  
繁民物庶宦遊都  
道小蘇杭

前題

邢宥

德星南斗聚光華  
文物衣冠聳故家  
魚兔迭班唐使節  
樓臺相望漢官衙  
表封戶等侯封富  
宦況時兼野况嘉  
處處絃歌聞屬邑  
瓊南誰道是天涯

海

邱濬

乾坤巨浸海茫茫  
萬斛樓船百尺檣  
雲脚四垂天作界  
浪頭雙卷水分洋  
夜深寶氣騰光焰  
歲久龍漈結古香  
今日大觀歸老眼  
應須一口吸江湘

五指山

邱濬

五峯如指翠相連  
撐起炎荒半壁天  
夜盥銀河摘

星斗朝探碧落弄雲煙雨餘玉笋空中現月出明珠掌上懸豈是巨靈伸一臂遙從海外數中原  
瓊臺春曉  
邱濬

縹緲波濤四望中春光曉色迴相同雲開若木天頭白水擊扶桑日脚紅海島三千餘里地花朝二十四番風陽春有脚行初到和氣融融滿太空  
七星山  
邱濬

魁杓精彩結成峯祀典無窮荷國封落落光芒三四點紛紛紫翠百千重嵐暉迎碧寒尤秀黛色攢清晚更濃幾度憑高閒佇立宛然身在紫微宮  
下田村  
邱濬

瓊州府志

卷四十一

藝文詩

四十六

瀛海之中別有天寧知我不是神仙請言六合空虛外曾見三皇混沌前元圃麟洲非遠境延康龍漢未多年有人問我家居處朱橘金花滿下田

繡隱莊

明御史

李

珊

瓊山人

茅簷煙火數家村且樂天年付子孫臥看白雲生遠岫任教芳草長閑門清陰石上寒侵枕流水臺前月滿樽忽喜故人書信到高風謂我有誰倫

海外四逐客詩

王佐

李忠定公綱

至瓊三且  
遇赦返

公來方始是朝廷何事吳兒苦諱兵當宸戴天寧

國是杜郵興念豈人情忍教丞相過南海更有何人說北征自古浮雲能蔽日重昏世及幾時明

趙忠簡公鼎

裴卒於崖州氏室

身騎箕尾氣山河作壯中原勝槩多立贊建康開左纛坐揮張虜倒前戈孤忠惟有皇天在萬口其如國是何直禱崖州滄海涸英雄遺恨始消磨

胡忠簡公銓

大朝廷作小朝廷人世乾坤已不成志士拊心思蹈海渠奸呼黨賀登瀛共知甘飲三吳水誰念幽棲五國城公去如今三百載海潮猶有不平聲

李叅政光

瓊州府志

卷四十一

藝文詩

四十七

五十三家禍未消何人海外得逍遙皇天后土猶堪倚明月清風不費邀但看瓊島一身在莫怨圖書萬卷燒千古牧牛亭下士好還天道不曾饒

謁陳白沙先生

明舉人

王仕衡

定安人

二十餘齡入帝京何人海內最知名三千首上追風雅五百年來見老成嶺海煙波生肺腑關閩風月在牕櫺自從別却金臺後夜夜天南看德星

和王矩菴

明檢討

陳獻章

新會人

豈有文章播兩京濫竽今古笑虛名老狂莫道生來僻小睡猶須學得成千頃白雲封古洞幾莖秋髮映疎櫺梅牕昨夜光璀璨疑爲南枝一兩星



學士莊讌集

明 胡 榮

村田卜築喜初成北望紅雲繞帝京玉署文章多  
舊稿青山泉石有新盟開尊尙憶黃封酒歌枕如  
聞禁漏聲暇日偶逢林叟說瓊臺勝地卽蓬瀛

竹軒

明 唐 瑜

鋤園種竹已成林新築幽居傍綠陰雙屐煙霞苔  
徑小半窗明月草廬深年來已得閑中趣老去應  
無分外心一調朱絃聊自適世人能有幾知音

補白沙口哀詩

有序

唐 胄

嗚呼趙與珞死後三閱月而宋亡矣自阿里海  
涯戍鄂以來數年之間荆南江廣望風迎降間

瓊州府志

卷四十一

藝文 詩

四十八

有如高世傑李芾馬瑩之苦節拒敵亦不過斬  
首自盡而已豈有若此裂殺之慘哉且當是時  
西來迎刃之大軍隔海矣同心之應科已死矣  
宋之士宇垂盡矣豈不知大勢之去螳臂之不  
可禦然所以必謾罵以泄其憤堅守以固其節  
者心焉而已宋室守臣死節雖多豈有後於與  
珞者哉然以遠土孤臣史氏不爲立傳續綱目  
者不爲大書可惜也夫雖然此猶食祿也若謝  
明謝富冉安國王之傑輩郡士爾服死已難而  
又甘招陪磔尤何烈也然或知義者至於瓊民  
當海中之再稱制則首起以應之厓波忠魂不

知幾許欽廉高化糧積既爲史格所運獨盡室  
傾困以濟冒浩漑而不辭馬旺旣主其郡猶篤  
一心日致數警檣旗報仆帝屍久浮黃威速等  
尙未甘心詔置極刑而不悔卒之海陵潰散臣  
卒數千皆不他適恃嚮念而遠依焉其精誠意  
氣之感召又何如哉噫瓊去中原萬里朝廷政  
澤之霑獨遲及國之亡也人心固結獨後於天  
下豈三百年惠養之所致歟抑張趙二使君當  
日之義氣所激與或人情土俗之美而自不能  
已歟故論宋三百年之天下其先人心之歸也  
始於陳橋其後人心之不忘也終於瓊海所謂

後死之睢將不帝秦之齊士閉城之魯民皆兼  
而有之矣孰謂南荒之外而有此地也哉桐鄉  
外紀有哀使君義士詩而不及民茲特彊裁以  
補云

哀使君

王佐

末路誰當國步艱瓊州節概重常山心懸北極天  
應遠血洒南荒地盡斑上帝亦哀麟鳳死中原長  
照尾箕寒使君忠義言難盡只把哀詞滴淚彈

哀四義士

王佐

五更風雨晦乾坤守信鷄鳴自不昏萬戶千門皆  
已死汗青今見四人存

哀百姓

唐 胄

輿圖二百盡皇州  
宋室遺民尙有不  
松柏誰捫共  
客腹絃歌未散魯  
公頭忠魂幾許隨  
波恨孤旅三  
千特地投那道  
深仁炎趙錄無端  
氣脈向茲收

東臬爲黃鈺處士題

明 李東陽

日日沙頭看鳥飛  
柴門剛枕釣魚磯  
鶴鳴驚見海  
穿月客嘯不知風  
滿衣鄰舍牆邊呼  
酒近故人天  
上寄書稀從今小  
隱須稱大新向長  
安市上歸

寓瓊臺

鍾 芳

寒燠深冬始覺均  
海天風候異常倫  
客緣幽暇頻  
留醉天爲遐荒倍  
借春潮落魚龍歸  
舊窟雨餘花

瓊州府志

卷四十一

藝文 詩

五十

柳試新痕長安北  
望爭何許紅日光  
芒麗五雲

珠崖雜興

鍾 芳

汗漫波濤限一州  
濃冬天氣似清秋  
島雲盡掃月  
平檻羌笛一吹風  
滿樓山下小園收  
吉貝屋邊深  
處叫軻軻青青草  
木經年秀剛觸愁  
人早白頭

萬仞泉

鍾 芳

鵬味高鶩吸曉虹  
却憐孤絕自爲宗  
輿圖垂盡地  
千里峰勢半開波  
萬重華夏封疆分  
徼外斗牛光  
焰直天中似嫌涓  
瀆分流細獨向重  
離閱會同

景賢祠祀蘇邱二公

鍾 芳

一鳳南飛一北翔  
海天異代接孤芳  
胸吞雲夢波

濤濶文演絲綸日月光累帙有謨攄悃赤一生多  
口任雌黃楚材入晉還名世不道天涯異品量

海門秋月

鄭廷鵠

秋嶼潮生月正懸天高海濶夜娟娟龍沙萬里蟾  
光動珠浦三更蚌影圓風捲浪花驚宿鶴水鳴霜  
葉觸啼鵲真遊那得乘槎夢豈泛銀河學閬仙

七星寒秀

鄭廷鵠

天外芙蓉曉嶂開七峯蒼翠擁仙臺紫垣珠斗空  
中落白馬瑤圖海上來雲斂高秋迴五嶺月明清  
夜近三台心懸北極堯天迴何羨東封博漢才

陶公福地

鄭廷鵠

瓊州府志

卷四十一

藝文詩

五十一

五嶺迢迢擁福山陶公盤鬱海雲間寒潭夜雨蒼  
龍吼曲水春風彩鳳還竹逕石邊看獨塔草亭峯  
外送雙鬢仙臺不秘長生藥蒲節松花可駐顏

樂耕堂

海瑞

源頭活水溢平川桃色花香總自然海上疑成真  
世界人間誰信不神仙棋驚宿鳥搖深竹歌遏行  
雲八九天良會莫教輕住別每隨流水惜芳年  
倭犯鍾司徒墓雷震遁去

海瑞

既歸三尺樂斯堂况有金函玉匣藏誰謂蓋棺占  
定事猶遺赫怒庇重岡丹心貫石瑩俱古赤電明  
心山亦蒼千載智愚都幻化到來賢哲自洋洋

五指山和邱文莊韻

王宏誨

地盡南溟氣復連五峯如指勢擎天浴光應捧咸  
池日染翠疑探太乙煙瑤島露分仙掌湛寶輪花  
傍佛支懸寰中維嶽紛羅立誰向鴻濛握化原  
讀海忠介平黎章

王宏誨

九死批鱗歷險艱一生砥柱障狂瀾孤忠耿耿雲  
霄上正氣堂堂宇宙間南海青天名尙在中臺冰  
月望猶寒茂陵他日求遺草黎議從誰策治安

輓貞烈

爲林煌春妻徐氏作

王宏誨

冰肌玉質委紅顏慷慨捐生就義艱皎日矢心甘  
一缺終天附耳解雙環血凝海上盈盈碧淚灑林

瓊州府志

卷四十一

藝文詩

五十二

間點點班連理枝頭棲比翼精魂千古望夫山

過昌陽宿韓丈人宅

王宏誨

驅馬長途日未曛石門邀宿已殷勤滄江天遠無  
來客梓里情深又見君海色晝酣銅鼓酒山齋晴  
臥玉陽雲總緣魯國多君子宓宰風流到處聞

海天春曉

明檢

陳

鱗

瓊山人

地連滄海海連天春日朝來得最先千里山河開  
曙色幾家漁火起新煙檳榔樹底無源水布穀聲  
中小熟田讀罷小窗清不寐寒襟頓覺暖如綿

尊賢堂

明

陳正善

聞道騎鯨碧眼仙黃柑手植尙依然人間俯仰更

成古天下聲名不計年  
繭紙誰能收妙墨  
雞林何用續遺編  
使君爲剏新堂事  
若解尊賢卽是賢

金雞嶺

明 吳國倫武昌人

海外初升萬象齊  
南山高處唱金雞  
能令百越無長夜  
似出三山指大迷  
曉霧長依元子宅  
春星猶燦古人題  
清時早獻長楊賦  
阿閣應同彩鳳栖

文筆峯

明 黃 鏊

柱石稜稜倚絳霄  
筆峯東控海門潮  
常濡雨露驚濤壯  
迅掃風雲淡墨嬌  
舞鳳似應秦玉管  
落鳶還擬漢銅標  
晴烟荏苒長安路  
猶接龍飛萬里橋

北岸漁歌

明 劉慶餘

瓊州府志

卷四十一

藝文 詩

五十三

江郭逢春處處和  
羣鷗上下浴煙波  
斜風嫩雨翻青笠  
輕絮飛花點綠蓑  
短棹不妨潮浪湧  
疎篷偏占月明多  
得魚沽酒陶然後  
晚傍楊堤欸乃歌

歸里上東山

明 余繼先

曲磴荒苔冷舊遊  
空餘猿鶴故山秋  
老僧相見還青眼  
倦客歸來已白頭  
浪笑生涯皆墮甌  
放懷天地總虛舟  
不堪轉憶浮生事  
雲自悠悠水自流  
奉使南還海口渡

許子偉

路斷天涯得少停  
樓船簫鼓日逢迎  
三更挂席渺滄海  
二月乘槎老使星  
春氣煖如帷下卧  
潮聲細人枕邊聽  
寒裝頓喜充行篋  
依舊懸車菽水亭

玉陽飛翠

明舉人

趙志科

文昌人

秀出文昌第一峯  
四時青翠隱仙宮  
巖中水蓄千村雨  
澗畔涼生八月風  
暮靄霞光橫紫岫  
朝騰雲氣滿蒼松  
往來絡繹山前道  
此去長安萬里通

瓊臺覽古

吳鴻

橫海樓船出漢家  
南荒一髮啓朱耶  
地穿絕島圍龍窟  
山壓羣黎樹虎牙  
颺母有風飛鐵浪  
天孫無路接銀槎  
名香十斛氤氳集  
吹遍瓊臺四季花

其二

瘴雲迴合鳥飛窮  
直北長安一望中  
箕尾星懸沈夜氣  
桃榔葉老颭秋風  
一時春夢憐村媪  
千古孤

瓊州府志

卷四十一

藝文詩

五十四

寒泣令公此地由來遷  
客藪不堪哀怨楚湘同

其三

邱海大名齊海甸  
祠鄰玉局奉烝嘗  
著書自裕經綸業  
憂國還成哭泣章  
零落諸孫南巷阮  
驂驪異代曲江張  
十三州邑鍾靈地  
後起何人振夕芳

清明節登趙考古墓

國朝

林淇菴

瓊山人

折腰人爲一宮來  
垂老炎荒竟不回  
四壁應知堆蠹簡  
孤墳誰與剪蒿萊  
允垂青史風千古  
獨奠芳魂酒一杯  
讀罷殘碑春寂寂  
野花猶向夕陽開

白石湖光

萬州一景

國朝

知縣

楊景山

萬州人

好從邨路問清流  
暇日偏宜泛小舟  
倒浸晴雲天

影濶低迷孤嶼野煙浮一灣細雨菰蒲綠幾日西  
風杜若秋偶向石邊成小立白鷗飛處更凝眸

渡海

國朝庶吉士 饒慶捷人 大埔

新流初長報鼉更高挂蒲帆趁曉晴萬里波平天  
一色三秋氣爽鶴千聲連雲遠樹微堪辨八耳風  
濤了不驚觀海觀瀾從此始應誇奇絕到蓬瀛

其二

海口茫茫接海安凌虛萬頃破層瀾平生自信襟  
懷濶到此方知天地寬漭漭千尋雲氣黑微濛一  
點塔峯寒眞從鰲背揚帆過更指西山作馬鞍

瓊南懷古

八首  
選四

方 寰

瓊州府志

卷四十一

藝文 詩

五十五

籌邊同著漢家勳此地先馳露布文敢怪廟堂勤  
遠畧却教海甸識將軍風酣木末儲秋氣日暗天  
南半暮雲把酒更窮千里目旅懷愁絕海無垠

其二

高涼尙未厭征鞍鋒鏑銷鎔化宇寬巾幗幾聞能  
講武戈鋌輸與獨登壇力專百粵羣氛淨心護南  
朝一寸丹終古瓊臺臺畔水東流猶爲壯波瀾

其三

惠陽老更涉鯨波天忌多才予折磨得罪自知緣  
翰墨緘愁何事復悲歌小亭烟靄留殘碣古井泉  
甘覆翠蘿舊結桄榔菴在否幾時載酒一經過



其四

頓撥蠻荒宿霧開勝朝文物舊鄒枚蘭臺盡守中  
丞法藝苑爭傳上相才蕭瑟叢祠猶俎豆荒涼孤  
塚自莓苔山靈豈惜鍾英特會有羣賢出草萊

五言絕

貶崖州司戶道中

李德裕

一去一萬里  
千之千不還  
崖州在何處  
生度鬼門關

儋耳山

蘇軾

突兀隘空虛  
他山總不如  
君看道傍石  
盡是補天餘